



SAKSPAPIR

Saksnr	Utval	Type	Dato
25/2018	Formannskap/plan- og økonomiutvalet	PS	23.04.2018

Sakshandsamar	Arkiv	ArkivsakID
Gjertrud Karevoll	FA - Q12	14/1881

OM ENDRA SKILTING I BRYLLUPSHAUGEN-SKREIEN - AVKLARING OM SKILTING

Rådmannen sitt framlegg til vedtak:

Det vert lagt fram to alternativ til vedtak:

1. Bryllupshaugen vert omgjort frå gang- og sykkelveg til køyreveg. Vegen vert skilta som blindveg. Bommane vert sett i tråd med planutvalet sitt vedtak frå november 2017. Statens vegvesen er vedtaksmynde for avvikling av gang- og sykkelvegen.
2. Bryllupshaugen vert fortsatt skilta som gang-/sykkelveg, med underskilt «køyring til eigedommane tillate». Til dette trengs det ingen nye skiltvedtak. Bommane vert sett i tråd med planutvalet sitt vedtak frå november 2017.

Saksopplysningar:

I samband med iverksetjing av vedtak frå november 2017: *Sykelbom på Bryllupshaugen blir fjerna. Sykelbom i Skreien blir flytta til nord for bebyggelsen i Skreien. Vegen blir skilta som blindveg, både i sør og nord*, har det oppstått eit spørsmål av prinsipiell karakter som rådmann ynskjer å avklare med utvalet.

Ny skilting er diskutert med Statens vegvesen, og det er avklart at skiltkombinasjonen med *Blindveg* og *Gang-/sykkelveg* ikkje skal nyttast i lag. Grunngevinga er at *Blindveg* skal nyttast på køyreveg. For *Gang-/sykkelveg* er sykkelbommen i Skreia ikkje eit stengsel, då sykkelbom tvert om vert nytta slik at både gåande og syklistar skal kunne passere. Sykelbommen på Bryllupshaugen er no fjerna.

Dette gjev oss to val som er drøfta med Statens vegvesen;

- skilte *Blindveg* og opphelve *Gang-/sykkelveg* eller
- behalde *Gang-/sykkelveg* med underskilt «køyring til eigedommane tillate». I ein overgangsperiode kan det i tillegg ver naturleg å setje opp opplysningstavle (gult skilt med tekst) som opplyser evt køyrande om at vegen er stengt xx meter framme. På sikt vert dette overflødig, ettersom ein må kunne legge til grunn at dei som har ærend til eigedommane kjenner til at Gang- og sykkelvegen er stengd lengre framme med bom



522

522 Gang- og sykkelveg

Skiltet angir veg som er anlagt for gåande og syklende. Skiltet angir dessuten at trafikreglenes bestemmelser om bruk av slik veg gjelder.

I følge trafikkreglane er det i utgangspunktet forbudt å køyre på gang-/sykkelveg. I Bryllupshaugen er dette regulert med underskiltet «køyring til eigedomane tillate». Dette betyr i praksis at alle som skal til ein eigedom kan køyre dit. Gåande og syklande har eit særskilt vern, ved at køyrande har vikeplikt for mjuke trafikantar. Det er også forbudt å parkere på gang-/sykkelveg.

Ei endring frå gang-/sykkelveg inneber at det blir lov å parkere langs Bryllupshaugen. Vegen er i utgangspunktet smal, og parkerte bilar vil ha konsekvensar for framkomst, drift/vedlikehald, bruk og tryggleik.

Det vert lagt fram to alternativ til vedtak:

1. Bryllupshaugen-Skreien vert omgjort frå gang- og sykkelveg til køyreveg. Vegen vert skilta som blindveg. Bommane vert sett i tråd med planutvalet sitt vedtak frå november 2017.
2. Bryllupshaugen-Skreien vert fortsatt skilta som gang-/sykkelveg, med underskilt «køyring til eigedomane tillate». Bommane vert sett i tråd med planutvalet sitt vedtak frå november 2017.